


19816.

DE

BILIS VI IN EFFECTU QUORUNDAM
REMEDIORUM PURGANTIUM.



DISSERTATIO INAUGURALEIS

QUAM

CONSENSU ET AUCTORITATE

GRATIOSI MEDICORUM ORDINIS

IN

UNIVERSITATE LITERARUM CÆSAREA
DORPATENSI

AD GRADUM

DOCTORIS MEDICINAE

RITE ADIPISCENDUM

LOCO CONSUETO PALAM DEFENDET

AUCTOR

Guilielmus Untiedt.

DORPATI LIVONORUM.

TYPIS VIDUÆ J. C. SCHÜNMANNI ET C. MATTIESENI.

MDCCLVIII.

• 21241

Imprimatur

haec dissertatio, ea conditione, ut, simulac typis excusa fuerit,
numerus exemplorum lege praescriptus collegio tradatur ad libros
explorandos constituto.

Dorpati Livon. die XXIX mens. Octbr. a. MDCCCLVIII.

Dr. **Samson**,
ord. med. h. t. Decanus.

AE 252.
(L. S.)

PROOEMIUM.

Commentatio, quae a me edita est, enumeratas tantum amplectitur eas disquisitiones, quas duce et auspice Buchheim, professore illustrissimo hujus universitatis, exsecutus sum; neque ut aliud nisi ejusmodi enumerationem in illa quaerant, lectores benevolos rogaverim. Quae ejus rei disquisitiones ut amplius et uberioris instituantur atque ad praxin transferantur, aliis postea scrutantibus relinquuntur. Mihi quidem ad suscipiendas ejusmodi disquisitiones ulteriores idonea defuit temporis opportunitas, qua certe opus erat. His meletematibus quamvis ratio ea, qua substantiae, de quibus disserui, vim exerceant, haud affatim illustrata sit, nihilominus tamen arbitrari ausim, institutis experimentis in explicanda hac re aliquantulum me progressum esse, nec non quiddam momenti ad significandam methodum obtulisse, quae in ex-

plorandis illis substantiis iniri possit. Si qua in hoc opusculo manca sint et obscura, quae perperam intelligi queant, haec propter exiguum meam disciplinae chemicae notitiam, nec non propterea, quod nunc primum data mihi occasio est componendae meis ipsius viribus dissertationis, velim excusari.

Jam licitum mihi sit, ut **praeceptoribus** meis dilectissimis, quam maximam possim, verecundiam et observantiam me grato animo offerre confitear. Maxime vero laetor, hoc loco me ea opportunitate uti posse, ut **Buchheim**, professori doctissimo humanissimo, qui omni ope me adjuverit mihique consilio ac re adfuerit, gratias sincera mente quam maximas persolvam.

Caput I.

De resina Jalappae.

Jam plures resinae **Convolvuli Schiedeani** et **Orizabensis**, quae sunt partes earum efficaces, ratione chemica et pharmacologica investigatae sunt. **Kayser**¹⁾ primus, quibus ex partibus **Jalappae** resina constituta sit, expertus est, quippe qui resinam adhibitis alcalibus in acidum aqua solubile mutari demonstraret, deinde salia ejus paravit, atque etiam alias invenit partes, decompositione provocatas, quae hinc resinac propriae sunt. Has ejus disquisitiones amplius persecutus est **Mayer**²⁾, qui, quum **Kayser** reactione, acido sulphurico excitata, innixus, quo resina colore inficitur pulchro rubido, nomen ei **Rhodeoretino** imposuisset, hoc nomen primum adoptavit. Postea vero idem auctor, quum resinam **Convolvuli Orizabensis** ejusdem esse reactionis videret, mutato in **Convolvulinum** nomine, resinam ejusdem plantae **Jalappinum** nuncupavit. Qui quum in explorando **Jalappino** indolem utriusque resinae prorsus simi-

1) *Annalen der Chemie und Pharmacie.* Vol. 51. pag. 81.

2) *Ann. d. Chem. u. Pharm.* Vol. 83. pag. 121. Vol. 92. pag. 125. Vol. 95. p. 129.

lem coguovisset, mutatis etiam substantiarum inventarum formulis, analogiam, quae esset inter duas resinas, certius statuit. Primum ille eundem, quem Kayser, eventum natus est, unde patuit, resinas, quibus in disquisitione ulteriore formulas addidit C_{62} , H_{50} , O_{32} , ut resinam Convolvuli Schiedeani, atque C_{68} , H_{56} , O_{32} , ut resinam Orizabensis significaret, si adhibitis alcalibus tractatae fuerint, receptis tribus aquac atomis, in acidum aqua solubile transire, atque cum alcalibus congruis salia constituere. Acidum Jalappinicum triplici ratione cum basibus conjungitur, nec non in acido Convolvulinico duo saltem ab eo inventa sunt salium genera. Neque minus duo haec acida, si earum respicimus indolem, maxime inter se congruunt. Resinae purae atque acida resinarum, adjecto acido sulphurico, eundem, quem supra jam diximus, colorem offerunt. Quo processu intensius explorato, vir ille cognovit, decompositionem simul propriam oriri; nam resinae in saccharum atque substantiam olei similem dilabuntur, quae tum demum colorem illum induit, quum resina decomposita est. Hanc substantiam ille Convolvulinoli et Jalappinoli nomine significavit eique formulam C_{26} , H_{24} , O_6 et C_{32} , H_{34} , O_7 , attribuit. Haec quoque corpora, si alcalium ope explorantur, amissis singulis aquac atomis, salia constituunt. Neque minus, adhibito acido muriatico atque emulsino, effici potest, ut corpora illa eodem modo deponantur. Aliam vero decompositionem tum resina, tum duo illa, quae commemoravimus, acida subeunt, agente acido nitrico, quo sit, ut corpora, dum vehementer effervescent, in acidum oxalicum et acidum Ipomicum dilabuntur; quod acidum posterius idem esse videtur atque acidum adiposum vel pyrocleosum, quod destillato acido oleoso

provocatur. Acidum Iponicum, admixto acido nitrico, non mutatur, atque salia constituit, quae in aqua difficile solvi possunt. Formula C_{10} , H_9 , O_4 , acido Ipomico, ex duabus his resinis parato, addita est.

Hi eventus ab Hagentorn³⁾, quum auspice Buchheim professore rationem agendi cognitus, quae salibus inesset, disquisitiones supra dictas maxima ex parte iterum instituisset, omnino comprobati sunt. Illi enim viri in disquisitionum progressu cognorunt, ex Convolvulino puro effectum Jalappae pendere, quum adhibitis gr. jj duae alvi liquidae efficerentur. Multo imbecillior apparuit vis acidi Convolvulinici, cuius demum gr. $7\frac{1}{2}$ alvum liquidam excitant. Magnesia Convolvulinica non prius quam adhibitis gr. 32 eundem effectum exhibuit, qui acido solo, dosi modo dicta sumpto, provocatus erat. Magnesia Convolvulinica, cuius gr. v erant adhibita, omni omnino effectu caruit. Exiguam salium vim illi ex eo pendere arbitrabantur, quod grana sumpta fortasse aliquatenus jam in ventriculo resorberentur. Similes fere eventus, explorato Jalappino, illi nacti sunt, cuius gr. jv duas alvi dejectiones efficiebat. De Acido Jalappinico ejusque salibus nulla instituta sunt experimenta. Jalappinolum, cuius gr. vjjj sumpta erant, tum quoque effectu prorsus vacabat, nec minus gr. v Natri Jalappinolici. Magnesia Jalappinolica etiam post usum gr. 132 minime efficax evasit. Praeterea, quum faeces explorarentur, magna earum

3) Woldemar Hagentorn: Disquisitiones pharmacologicae de quarundam convolvulacearum resinis institutae. Diss. inaug. Dorp. 1857. — Buchheim ipse, quaecunque ex disquisitionibus nactus est, iterum publici juris fecit in: Archiv für physiologische Heilkunde von Wunderlich. Jahrg. 1857.

pars integra reperta est. Similes glucosidi resinac indolis homologae hoc tempore in pluribus Convolvulaceis, quae vim exercent catharticam, inventae jam sunt, ita a Keller⁴⁾ in resina Couvolvuli Scammonii, cui nomen ille indidit Scammonini. Idem auctor, adhibitis alcalibus, acidum Scammonicum paravit, paratumque acidi sulphurici ope in saccharum et Scammonolicum distraxit. Easdem omnino partes, decompositione productas, Zwingmann⁵⁾ in resinis Convolvuli sepium, arvensis, tricoloris Ipomoeae purpureae et spurgatis⁶⁾, in resina Convolvuli Turpetum observavit. Contigit iis, ut omnes resinas illas, admixtis alcalibus, in acidum aqua solubile traducerent idque ipsum adjecto acido sulphurico in saccharum atque in acidum alterum distraherent.

Equidem ipse in experimentis pharmacologicis, quae infra exposita sequuntur, tantummodo resinam Jalappae, quae saepissime usitata est, indagare conatus sum. Quamquam partes decompositione productae nullam aut certe minorrem vim praebabant, quam resina pura, nihilominus tamen a vero absuit suspicio, eandem resinam in pariete intestinali illud efficacitatis habere, quum tamen, si cuti illata fuerit, nulla irritationis signa praebeat. Suspicandum potius fuit, resinam tum demum vim exercere posse, quum succis digestoriis quolibet modo immutetur. Quod ut perscrutaretur, Buchheim professor gr. xvij Convolutini puri intestino tenui felino injecit, deinde intestinum supra et infra sublig-

vit. Nulla inde exorta sunt signa morbosa, nec non instituta sectione intestinum crassum faecibus solidis repletum, frustumque subligatum haud mutatum apparuit. Convolutinum ex iis, quae frusto illo intestinali continebantur, plurimum rursus parari poterant. Iterato eodem experimento, ea simul adhibita mutatione, ut intestinum tenue modo supra subligaretur, itidem neque alvi liquidae sunt secutae, neque mortua fele, intestinum tenue indolis abnormis apparuit.

Ad disceptandam quaestionem, possitne resina inde ex intestino in sanguinem transire atque fortasse ex sanguine demum vim ad intestinum habere, gr. xvij Natri Convolutinici, quae in aqua erant soluta, venae jugulari felinae injectae sunt. Secuta est mors, praesentibus simul inspiracionibus profundis et convulsionibus signisque paralyticis. Instituta sectione, dextrum cor, sanguine repletum, pulmonesque et membranae cerebrales perquam hyperaemicae sunt repartae. Organa vero abdominis statu prorsus normali conspiciebantur. Nec mihi huic opinioni illud repugnat, quod copiam plurimam resinarum vel resinac acidorum in intestino reperiri posse patuit. Nihil igitur reliquum fuit, nisi ut fieri posset, ut resinae illae succis digestoriis aliquo modo immutarentur, unde demum efficacitatis expertes fierent. In experimentis nonnullis neque ex saliva, neque ex succo gastrico adhibito ulla apparuit Convolutini mutatio: quae et re ipsa adesse non videbatur, quum resinac in intestino tenui demum agere incipient. Reliquum igitur hoc etiam fuit, ut vim bilis et succi pancreatici perscrutaremur. Ut bilis vis in Convolutinum excluderetur, prospera oblata est conditio in intestino recto, in quo, simulac faeces depositae sunt, bilis nulla amplius inveniri potest; quapropter experi-

4) Annalen der Chemie und Pharmacie, Vol. CIV, fasc. 1.

5) Disquisitiones pharmacologicae de quarundam convolvulacearum resinis. Diss. inaug. Dorp. 1857.

6) Buchners neues Repertorium für Pharmacie. Vol. 7. pg. 9.

menta, quae proposita sequuntur, ita sunt instituta, ut substantiae variae intestino recto injicerentur.

Suscepito prius experimento, quam ad ipsas disquisiciones accessum est, jam extrinsecus intuentibus effectus quidam se obtulit, quum Convolvulinum, admixta bile, in aqua leviter solveretur. In experimentis, quae sequuntur, respiciatur necesse est, ubi post longius quam horae spatium clysmata alvum efficiant, id quidem illis attribuendum non esse; nam fieri non potest, ut non vi caustica, quam medicamenta, si in intestinum rectum vacuum agere valeant, exercere oporteat, jam antea intestini recti reactio provocetur; quae vis caustica quum maximi habenda sit momenti, non possumus, quin dolorem urentem, adhibito medicamento exortum, gravius esse signum existimemus, quam tenesmos, qui interjecto non multo tempore accedant; nam postea quidem fieri potest, ut faeces jam inferius moveantur, quae massis injectis, nondum resorptis, dilutae, dum sphincterem premunt, alvi dejectionem provocant.

Ut corporis mei torpiditatem experirer, Convolvulinum per os innectum est.

Sumptis gr. x, intra novem horas **quinq**ue alvi liquidae excitatae sunt. Convolvulinii solius gr. x, sub 'elysmatis forma illata, effectu prorsus carebant, nam dolor omnino abfuit, nec nisi duabus post horis alvus dejecta est. Contra ea, jam quinque grana Convolvulini sicca, adjecta eadem bilis siccæ copia, postquam dolor acerrime urens antecessit, post horae quadrantem alvum liquidam movebant, praesentibus simul tenesmis satis fortibus. Qua in re, ut bilis vis probaretur, gr. x bilis solius intestino recto injecta sunt, quibus tamen dolor levissime urens, nec vero alvus ulla elici-

poterat. Neque effectum majorem gummi Arabici solutio praestitit. Fieri igitur non potuit, ut solo impetu massae injectae effectus ille vehemens provocaretur; neque magis idem consummatis Convolvulinii et bilis actionibus excitari poterat, nam duae hae substantiae nullam per se vim exercebant. Jam nostra interfuit, ut ratione physiologica eam bilis partem certius statueremus, qua agente Convolvulinum hunc in modum mutetur, ut vim suam causticam expeditat. Quam ob rem Convolvulinum una simul cum singulis bilis partibus⁷⁾ in aqua solvimus, earumque gr. x, admixtis gr. v Convolvulinii, intestino recto injecimus. Effectum acerrimum ex Convolvulino, in Natro cholico (quod Strecker Cholalici nomine significat), oriri vidimus; quam solutionem, interjectis aliquot sexagesimis, jam alvi dejectio sequebatur, exorto simul dolore acerimo, tenesmisque maxime urgentibus. Neque multo imbecillior effectus exstitit Natri taurocholici, Convolvulino coniuncti, quo injecto tamen tenesmi diutius etiam reprimi poterant. Adhibito Natro glycocholico, cuius duo experimenta instituimus, neque dolor urens, nec tenesni adeo fuerunt acres, ut alvus aliquanto saltem diutius retineri non posset. Contra ea Natron choloicinum tribus in experimentis omni paene effectu caruit, quum dolor urens omnino abasset, nec nisi uno in experimento post sesquihoram alvus paullo mollior eliceretur. Taurino agente, Convolvulinum solutum non est; quapropter, quum postea appareret, Convolvulinum in sapone solutum nihil efficacitatis offerre, eandem hanc

7) Partes bilis, quae jam infra proponuntur, secundum formulas a Leemann praecipitus (Handbuch der physiologischen Chemie. 2te Auflage. 1853) paratae sunt.

solutionem primo paravimus, deinde, eodem adhibito pondere, Taurini solutionem adjecimus, Alvis post quatuor demum horas dejecta est, nullo nec dolore urente nec tenesmis acrioribus⁸⁾.

Quum, sicut infra videbimus, Convolvulinum in alcalibus aliquamdiu solvi videatur, ergo acidis maturius adjectis rursus praecipitetur, adducti inde sumus, ut Convolvuli solutionem Natro cholico et choloëdinico diutius inconqueremus. Nihilomagis vero in his praeparatis superioribus quidquam discriminis apparuit. — In explicandis iis mutationibus, quas Convolvulinum bilis ope subeat, in eam utique mentem adducimur, ut sal Convolvulinicum formari statuamus. Kali Convolvulinicum, quamvis per os quoque illatum minoris sit efficacitatis, quam resina pura, nihilominus tamen paravimus, quum Convolvulinum cum aqua conqueremus eique Kali guttatum adjiceremus, quoad resina soluta erat; deinde, quum ea solutio aliquamdiu incocta esset, adhibito acido acetico, Kali, quod abundantius erat obvium, neutralizavimus. Ex duobus experimentis, quae injiciendo hoc sale instituta sunt, quum gr. v Convolvulini adhibuissemus, nullus omnino effectus apparuit. In experimento uno, quum gr. x Convolvulini solverentur, nihilosecius ullum eventum nacti sumus.

Aliud momenti ad explicandas, quae propositae sunt,

8) Experimenta de Glycocollo instituta non sunt, tum quia sal glycocholicum effectum praebebat multo minorem, quam reliqua bilis salia, tum quia Taurinum, quo celerius ad rem ipsam progrederemur, parum stricte secundum Lehmanni formulas paratum erat. Nam bili aether, quo Natron turocholicum ex solutione alcoholica prius, quam Natron glycocholicum praecipitat, antea adiectus non erat, ergo praeparatum, quod adhibuimus, non aliud esse poterat nisi ex Taurino et Glycocollo commixtum.

res, in eo fortasse situm fuerit, quod omnia ista bilis salia multas cum saponibus similitudines habent, id quod simili forsitan effectu comprobari possit. Convolvulinum non minus facile in saponis solutione solvi poterat; quae tamen solutio, adhibitis gr. v Convolvulini ac gr. x saponis, intestino recto illata, nihil praebuit efficacitatis, unde ea quoque suspicio rejecta est. Reliquum igitur erat, ut mutationes illas, quas Convolvulinum adjecto Natro cholico subeat, via proprie chemica investigaremns. Propius vero fuit, ut, instituta hac disquirendi methodo, initium faceremus, verumtamen, deficientibus momentis, quibus inniteremur, nec non substantiis facile decompositis, difficillima haec methodus redditia est. Fieri nunc quidem potest, ut, viam breviorem ingressi, facilius ad eventum perveniamus, quum Natri tantum cholici cum Convolvulino connubia explorari necesse sit. Hoc certe ex his patet experimentis, Convolvulino in bile soluto, acidum Convolvulinicum formari non posse, immo potius propria effici connubia oportere.

Caput II.

De Gummi Gutti.

Gummi gutta, i. e. succus ex plantis Hebradendro Cambogioide Grah.⁹⁾, Stalagmite ovalifolia R. Br., Garcinia zeilanica, corva, cornea Roxb., inciso cortice extractus, qui postea crassescit, jam antiquiore aetate, quum inde ab anno 1603 auctore Clusio in Europa percrebrisset, inter remedia cathartica fortissima habebatur. Praeterea vis et efficacitas hujus succi latius etiam patere existimabatur, unde fiebat, ut permultis morbis ille adhibetur. De partibus iis, ex quibus composita sit haec resina, exigua tantum nobis est notitia. Christisor¹⁰⁾ in Gummi gutto sub cylindri formis obvio 72,2% resinac, 23,3% Arabini, 4,8% aquae nec non vestigia Cellulosae invenit. In resina, quae sub forma placentari venditur, idem ille 64,8% resinae, 20,2% Arabini, 5,6% Amyli, 4,1% aquae inesse cognovit. Johnston resinem Gutti nomine acidi gambogici significavit, atque Buechner acidum illud permagnae esse aciditatis, acidis-

que adiposis vi sua chemica proxime accedere, nec non in aethere solvi posse statuit. Idem auctor in resina 79,794% acidi in aethere solubilis, praeterea pigmenti 0,573%, gummi 19,51%, materiarum extractivarum 0,114% invenit. — Prima de Gutti resinae effectu physiologico disquisitio instituta est ab Antonio de Heide¹¹⁾, qui, quum resinam venae caninae injecisset, mortem, comitantibus convulsionibus, celeriter exortam videbat. Post eum Orfila¹²⁾, itidem in canibus remedium illud expertus, nihil aliud nisi effectum in tractu intestinali obvium, vomitum, diarrhoeam, nec nisi brevi ante mortem tempore respirandi molestias exortas esse animadvertisit. Nec minus sectio omnibus in casibus vix quidquam aliud nisi totius tractus intestinalis inflammationem praebuit. Teste hoc viro, canis, si 3jv sumpserit, viginti quatuor horis absumitur. Daubenton¹³⁾ in vacca, cui 3 40 suppeditatae erant, dysenteriam per septemdecim dies continuatam observavit. — Hinc adducimur, ut vim et efficacitatem in tractum intestinalem gravissimam utique indolem pharmacologicam Gummi Gutti, et fortasse etiam unicam esse existimemus; nam in experimentis supra expositis mors nisi ex gastro-enteritide non accessisse videtur. De vi peculiari, quam resina in homines exerceat, plures jam institutae sunt disquisitiones, uti a Pabo¹⁴⁾ et Berg¹⁵⁾,

11) Experimenta circa sanguinis missionem. Amitel. 1686. pag. 187. observ. 90.

12) Toxicologia. Vol. II.

13) Mémoires de la société royale de médecine de Paris. T. IV. p. 261.

14) Additamenta quaedam ad virtutes chemicas et physiologicas resinarum quarundam comparatas. Diss. inaug. Dorp. 1851.

15) De nonnullarum materiarum in urinam transitu disquisitiones. Diss. inaug. Dorp. 1858.

9) Handbuch der medicinisch-pharmaceutischen Botanik von Schleiden. Leipzig 1852.

10) Systematisches Handb. der Arzneimittellehre v. Dr. F. L. Strumpf.

imprimis vero a Daraskiewicz¹⁶⁾, qui momentum gravius resinae Gutti, vim scilicet, quam bilis ad illam habeat, adesse statuit. Pabo demonstravit, Kali gambogicum multo imbecillius agere quam puram Gutti resinam. Berg ne minimam quidem hujus resinae partem in urinam transire cognovit. Aliis resinae Gutti generibus alia vis esse videtur; certe quidem resina Gutti sub forma cylindrica, uti ex experimentis a Daraskiewicz et Buchheim institutis perspici poterat, majoris apparuit efficacitatis: quapropter ipsa haec species experimentis semper fere adhibebatur. Adjecto aethere, pars resinae in illo solubilis, quum Daraskiewicz eam exploraret, post datam dosin gr. vj extemplo colicam, atque interjecto semihorae spatio, alvum liquidam movebat. Adhibito acido gambogico, quod Kali et acidi muriatici ope parabatur, Daraskiewicz tum demum, quum, interjectis sex horis, primum gr. 20., deinde gr. 30 sumpserat, progressu undeviginti horarum tres alvos liquidas dejecit. Qui quum speciem resinae viliori sub cylindri forma adhibuisset, jam post usum gr. xv, circumactis quatuor horis, alvum liquidam, antegressis aliquamdiu colica, borborygmis, vomititione, cardialgia, oriri videbat. Buchheim eandem dosin minuere coactus est. Daraskiewicz, quum resinam in aethere et addito Kali solvisset, id effecit, ut resina, quae in Gummi Gutti inest, a caeteris hujus medicamenti partibus separaretur. Quum pars fluidi inferior, colore perquam rubido tincta, ex Kali gambogico composita, a fluido supra natante, quod pellucidius videbatur, satis differet,

16) Metemata de resinarum, praesertim resinae Gutti in tractu intestinali rationibus. Diss. inaug. 1858.

idem hoc fluidum, quod postremo diximus, aethere destillatione remoto, massam reliquit ex adipe resinisque vi chemica vacuis compositam, quae non omnis in alcoholle solvi poterat. Quidquid solutum erat, adjecto Kali lixivio, praeципitari poterat: quod praecepitatum in aqua insolubilis evadit. Haec quidem substantia, adhibitis ejusdem gr. xv, omni prorsus eventu caruit. Acida vim resinae nihil mutare videbantur, quum nihil discriminis appareret, neque adjecto resinae acido muriatico, neque addita Magnesia, qua acida in tractu intestinali obvia neutralizarentur. Nullius igitur momenti succus gastricus fuit ad vim resinae Gutti mutandam. Vim resinae Gutti peculiari modo mutari, Daraskiewicz in oleo observavit; in quo quum soluta esset, resina Gutti, adhibitis gr. jjj, post horas quatuor jam alvum liquidam ciebat, immo etiam, post usum gr. jj idem efficacitatis praebebat. Buchheim, quum gr. jjj sumpsisset, tres clii alvos liquidas vidiit. Qua re fortasse explicatur, cur resina impuralonge fortius agat, quam quae Kali ope purificata sit. Hinc enim excitata est suspicio, resinam Gutti, oleo conjunctam, vim peculiarem in parietem intestinalem exercere: quam ut accuratius exploraret, Daraskiewicz gr. xx resinae Gutti in oleo solutae, ut primum faeces depositus, sub emulsionis forma intestino recto injecit. Neque tamen ullum effectum percepit. Aliud igitur necesse fuit momentum accederet, quod in succis digestoriis quaerendum erat: quod quidem momentum in bile inventum est. Nam gr. jjj resinae Gutti in oleo solutae, additis gr. xv bilis siccae, dolorem statim acriorem atque, interjecto horae quadrante, alvum liquidam eliciebant. Buchheim, adhibita eadem dosi, interjecto, demum dorante, effectum praestari sensit. Ex-

perimenta pariter atque in meis de Jalappa disquisitionibus instituta, adhibita et bile sola, et gummi solutione, tum quoque documento erant, effectum minime ex bile et Gutti resina cumulatum esse, idque eo certius, quod dosis resinae Gutti septies minor intestino recto injecta erat.

Quae experimenta a Daraskiewicz instituta in memet ipso eundem praebebant eventum, nam et equidem, quum gr. xx Gutti resinae in oleo solutae intestino recto injecisset, vix ullum percepi effectum; contra ea, injectis gr. jjj Gummi gutti et gr. v bilis, post decem sexagesimas, praesentibus tenesmis, alvum liquidam deposui: qua deposita dolor urens diutius etiam perstabant.

Hac in re quum pariter atque in disquisitione de Convolvulino suscepta instituisse experimenta, quibus singulas bilis partes explorarem, multo etiam graviora se obtulerunt discrimina in Gutti resina quam in Convolvulino. Verum tamen fieri non potuit, ut non resina bilis ope aliter mutaretur, nam effectus bilis salium major minorve ex ordine pendebat, a disquisitionibus diverso, quae de Convolvulino erant institutae. Effectum sane acerrimum resina Gutti cum Natro taurocholico commixta praebuit, unde factum est, ut, adhibita ratione gr. jjj resinae et gr. v salis biliosi, interjectis quidem duabus demum horis, alvus moveretur, tenesmi autem admodum augescerent. Adaueto autem usque ad copiam gr. vij Natro taurocholico, post horae quadrantem vel prius etiam alvus dejecta est, accendentibus simul tenesmis atque dolore acerrimo. Effectus aliorum salium, si cum illo sale contuleris, imbecillior fuit. Natri glycocholici grana decem, adjectis gr. jjj Gutti resinae, dolorem modo exiguum movebant, nulla dejecta alvo. De Natro choloidinico tria

instituta sunt experimenta; gr. jjj, additis totidem granis resinae Gutti, nihil efficacitatis habebant. Adhibitis gr. v salis atque gr. jjj Gutti resinac, uno quidem in casu, interjectis viginti sexagesimis, alvus deposita est, deficientibus tamen et tenesmis et dolore urente peculiari: unde statui potest, intestinum rectum catarrho irritatum fuisse. Altero in casu alvus post sesquihoram demum dejecta est, nullo tamen doloré urente nullisque tenesmis. Natron cholicum, adhibitis gr. vij, quum duo instituta essent experimenta, effectu prorsus caruit, neque magis Taurinum¹⁷⁾, injectis gr. 5*1*. — Quae res etiam difficiliores sunt explicatu, quum chemia ne minima quidem praebeat adminicula, quibus quis in propoundeda hypothesi innitatur, quoniam extrinsecus intuentibus nulla resinae mutatio objicitur, quae ex bile pendeat. Resina in bilis solutione solvi non potest, neque magis in ipso corpore solvi posse videtur; nec non hic quoque veri similimum est, quum duae illae substantiae cum adiposis sese commiscuerint, effectum praestari posse.

Neque tum etiam, quum in duobus vaseulis vitreis diversis altera simplex bilis solutio, altera, admixtis totidem Gutti resinae partibus, in aquae balneo ad 30° circiter calefacto per duodecim horas digestae erant, ullum apparuit saporis disserimen inter duas illas solutiones. Neque magis, quum loco bilis Natron taurocholicum adhiberetur, eventum ullum adepti sumus.

Ad explorandam vim ejus momenti, quo bilis salibus indoles saponacea adhaereat, Gutti resina cum sapone mixta

17) De Taurino et Glycocollo idem statuendum est, quod p. 10. adnot. 8. dictum jam est.

intestino recto injecta est. Adhibitis gr. v Gutti resinae et gr. xv saponis, nullus apparuit effectus. Sal gambogicum Natro bilis formari, tanto minus quisquam hac in re statuerit, quod et resina in bile solvi non potest, et Kali gambogicum, si extrinsecus adhibetur, nihil praebet efficacitatis, atque, ubi in usum internum vocatur, longe majore opus est copia ad efficiendam alvi ejectionem, nisi resina in oleo soluta sumpta fuerit.

Caput III.

De oleo Crotonis.

Oleum Crotonis, ex seminibus Crotonis tiglii expressum, jam pridem medicamentorum numero adscriptum est, attamen diutius omni fide caruit, donec recentiore aetate rursus in usum reciperetur. Prima hujus olei disquisitio a Pelletier et Caventon¹⁸⁾ instituta est, qui in seminibus oleum alcoholē facile solubile, simulque acidum volatile indolis efficacissimae, quod pro efficaci olei parte habebant, inesse cognorunt. Hos quidem secutus est Buchner¹⁹⁾, qui et ipse acidum nactus est, quod fluidum esse limpidum odoris sapientis saporisque acerrimi significat. Eodem tempore Brandes²⁰⁾, semina Crotonis perscrutatus, oleum volatile acidumque Crotonicum et Crotoninum in iis inesse cognovit: quod Crotoninum Weppen²¹⁾ postea demonstravit non aliud esse, nisi connubium Magnesiae

18) *Journal de Pharmacie*, IV, 283 (1818); *Buchners Repertorium*, VI, 300.

19) *Buchners Repertorium*, XIX, 185.

20) *Archiv des norddeutschen Apothekervereins*, IV, 173; *Buchners Repertorium*, XVIII, 474.

21) *Annalen der Chemie und Pharmacie*, LXX, 254.

cum acidis adiposis. Atque etiam Nimm²²⁾ Glasgoviensis, quum semina Crotonis investigasset, 32% olei adiposi atque 27,5% principii acris resinosi invenit. Meletemata de Crotonis oleo nuperrime a Schlippe²³⁾ atque, auspice Buchheim²⁴⁾ a Krich²⁵⁾ suscepta sunt. Alter ratione potissimum chemica, alter ratione pharmacologica oleum illud perscrutatus est. Oleum acritate sua liberari potest, id quod Buchheim fecit, quum adhibito alcoholi oleum extraxisset. Schlippe, uti videtur, facilius, quum, admixta Natri solutione alcoholicâ, oleum peragitaret. Hinc sapor acer, quo sensus velut fricans in faucibus movetur, quique oleo Crotonis mercabili adhaeret, prorsus eidem adimitur. Duo illi viri ante omnia experti sunt, oleum in saponis formam redigi posse, pluraque acida adiposa solida continere, quae Buchheim diligentius non exploravit. Schlippe ex acidis stearinico, palmitinico, myristinico, Laurinico commixta esse statuit. Praeterea acidum volatile illi observarunt, quod, commixto cum acidis sapone olei Crotonis, in conspectum venit, neque ullam tamen in corpore humano vim exercet. Copia olei praecipua ex acido olei simili constabat, quod teste Schlippe ad seriem acidorum oleosorum referendum est, quod tamen non amplius illud agavit. Buchheim, oleo Kali ope in sapo-

nis formam redacto, adjecto acido muriatico, aethere adhibito, addito plumbo acetico, admixto iterum acido muriatico, acidum illud adeptus est, ejusque salia paravit, deinde, qualis esset olei in saponem redacti indoles pharmacologica, intentius exploravit. Buchheim acidum olei Crotonis plurimae efficacitatis esse cognovit, quippe quod, quum 0,046 grm. sumpta essent, sensum quandam asperitatis in saucibus obviae, nauseam, borborygmos, atque, duabus interjectis horis, alvum liquidam excitaret. Sapor ejus acerrimus erat, sensumque asperitatis movebat. Neque minoris efficacitatis vir ille sapones esse cognovit, ex quibus sal Natri, ubi 0,030 grm. adhibita erant, itidem sensum asperitatis, nauseam graviorem ac borborygmos ciebat, nulla tamen exorta alvo liquida, sal autem Magnesiae, cujus 0,040 grm. adhibebantur, nimiam vomiturbationem atque, interjectis quatuor horis, tres alvos liquidas provocabat. Utriusque salis acerrimus fuit sapor. Quum vero ex acri illo acido olei Crotonis, dum gasum siccum acidi muriatici in solutionem ejus alcoholicam inducebatur, oxydi Aethylici cum acido Crotonico connubium pararetur, substantia inde producta omnis efficacitatis saporisque acris expers apparuit. Ipsi igitur acido olei Crotonis vis agens attribuenda non est, sin vero aliter, ipsum quoque oxydi Aethylici connubium, quo acidum olei Crotonis statu integro continetur, ejusdem efficacitatis esse oporteret. Nec minus acidum olei Crotonis, ex eodem sale Kali ope paratum, acris sui saporis expers evasit atque, adhibitis 7,8 grm., inefficax se praebuit.

Patet igitur ex experimento postremo, acidum olei Crotonis per se nullam irritandi vim habere, partem vero efficacem acido illi quam maxime adhaerere, nec nisi in pa-

22) Journal de Pharmacie, X, 175 (1823); Buchners Repertorium, XV, 234.

23) Annalen der Chem. u. Pharm., Neue Reihe, Vol. XV, fasc. 1.

24) Archiv für physiologische Anatomie und Physiologie und klinische Medicin. Vol. XII, fasc. 1.

25) Experimenta quedam pharmacologica de oleis Recini, Crotonis et Euphorbiae lathyridis. Dorp. 1857.

rando oxydo Aethylico exstingui. Buchheim duas proposuit opiniones, quum scilicet eandem substantiam aut partem secundariam esse statuerit, quae, oxydo Lipyllico ab acido olei Kali ope separato, recipiatur, aut partem decompositionis via ex substantiis productam, quae ipsae, vi chemica et pharmacologica carentes, jam oleis acritate sua destitutis admixtae sint. Vir ille doctissimus, deficiente efficacitate acidi Crotonolici ex oxydo Aethylico parati innexus, opinionem hanc alteram veram esse decrevit, quum, si substantia acris, separato oxydo Lipyllico ab acido, omnis connubii expers fieret, idem non minus accidere debere putaret, si oxydum Aethylicum ab acido sejungeretur. Quod ad naturam attinet hujus substantiae, Buchheim tum eo, quod substantiam tenacius acido adhaerescere, tum eo, quod illam additis basibus, dum oleum in saponem mutaretur, formari videbat, in suspicionem adductus est, eandem substantiam acidae indolis esse.

Schlippe, minime cognitis experimentis, quae Buchheim instituerat, substantiam efficacem integrum ac puram parare conatus est; etenim, quum primum oleum acre, admixta Natri solutione alcoholica, acritate exuisset, eandem solutionem, quae substantiam acrem receperat, cum acido muriatico et aqua commiscuit. Hinc oleum nactus est acer-
rimum subfusci coloris. Acida libera, quae oleo continebantur, exhibito plumbu oxydato hydrico praecipitavit. Solutionem neutralem, quae reliqua erat, cum plumbu acetico basico commiscuit, quo facto materia se evolvebat oleosa, ex plumbu oxydato, acido acetico, substantia acri composita, cuius tamen aliqua pars in ipsa quoque solutione inerat. Itaque ille hanc solutionem aquae ope iterum tractavit: quo factum est,

ut plus etiam substantiae acris secerneretur. Quae substancia, exhibito acido sulphurico, ex mixtione superiore secreta est. Hinc oleum nactus est, quo tamen substantia acris contineri tantum, neque ipsa esse poterat, quamque ut puram et integrum pararet, exploranti non contigit. Instituta analysi elementari, formulam ille statuit $C_{28}H_{24}O_4$. Postremo Schlippe ad eam sententiam accessit, ut ipsum illud oleum substantiam efficacem separatam esse censeret; simulque suspicatus est, eandem substantiam indolis esse indifferantis et, quamvis nullum ex illa aldehydum parari posset, ad alcoholes proxime accedere. Quam ad suspicionem ea fortasse re adductus est, quod substantiam, adjecto plumbu acetico, ex solutione alcoholica haud omnino praecipitari posse viderat. Ceterum ipse ille fatetur, ad statuendam Crotonoli indolem — quo nomine substantiam acrem significavit -- ne minimum quidem momenti allatum esse. Schlippe, quum oleum Crotonis, hac substantia liberatum, saporis mitissimi esse cognovisset, oleum illud omni materia efficaci se exuisse ratus, hoc modo liberatum ratione physiologica haud amplius exploravit, atque igitur eventum, quem nactus est Buchheim, qui substantiam acrem, si oleum cum basibus sese conjunxerit, tum demum rursus formari statuit, omnino omisit.

Crotonolum, quod perscrutatus erat Schlippe, vim praebuit cutis graviter inflammandae. Qui quum, ut eam exploraret, experimenta quaedam in caniculis instituisset, exhibita dosi 0,4 grm., effectum catharticum nullum oriri animadvertisit. Hinc ille argumentatus, vim oleo Crotonis insitam cutis inflammandae alisque evacuandae ex materiis diversis pendere, substantiam purgativicem reperire conatus

est, quod tamen ei non contigit. Sed huic rei contradixerit quispiam, virum illum experimenta in cuniculis instituisse, in quibus momenta in intestino obvia prorsus ignorarentur. In hominibus quidem alios ille forsitan eventus nactus esset. Praeterea id vitii erat, quod acidum olei Crotonis, a Buchheim paratum, quo sapore et quo effectu esset, non indagaverat; simulque igitur non cognoverat, vim et purgaticem et inflammatoriam pari ratione cum sapore aeri congruere, eundemque saporem procedente ipsa saponificatione effici solere. Ita e. g. sapor acer et vis purgatrix acido olei Crotonis, Kali ope parato, atque salibus ejusdem acidi adhaerent, at vero in oxydo Aethylico, acidoque inde separato desiderantur. Omnino effectus, quem oleum praestat, non esse videtur nisi loco adstrictus: quae opinio ea potissimum re probatur, quod effectus praeparatorum acri sapore insignium in faucibus jam et in ventriculo perspicitur, oleum Crotonis vero, acritate sua exutum, in intestino demum tenui vim exercere incipit. Cur autem oleum Crotonis mercabile, quod saporis est aeris, minime vel modo parum vim excitandae nauseae exhibeat, hinc fortasse explicari potest, quod in oleo pars efficax formata jamjam adest, sed exigua tantum ejus copia, materia vero, quam Buchheim adesse statuit, ex qua pars illa exorta decompositione proficiscitur, in intestino demum denui disjungitur, ideoque oleum ibi potissimum vim suam exhibet.

Quid sit causae, cur substantiae illae, acri sapore insignes, vi sua purgatrice minuantur, Buchheim eo explicat, quod substantiae, in aqua solubiliores, jam antea in ventriculo resorbentur, neque igitur satis magna earum copia in intestinum tenue defertur, ut effectum catharticum majorem

praestent. Cujus rei documento vir ille sal Magnesiae esse testatur, quod, quum difficilius solvi possit, vim quoque laxandi graviorem exhibeat quam sal Natri. Quae res ceterum fortasse eo simpliciter intelligitur, quod in praeparatis illis, in quibus tanta jam copia materiae acri formata est, quanta omnino in oleo formari potest, eadem materia jam in faucibus et in ventriculo neutralizatur, quoniam cum membranae mucosae partibus conjungitur. Omnino vero effectus olei Crotonis certo tantum loco adstrictus videtur; nam institutis periculis, quum Buchheim oleum aliis telis admoveret ac praesertim sanguini injiceret, nihil omnino intestina inde affici solebant. Mors secuta est, prorsus aliis accendentibus signis, atque instituta sectione tractus intestinalis integer et intactus apparuit.

Itaque oleum Crotonis, cui adempta est acritas, in fauces atque ventriculum nullam omnino vim exercet, neque magis in intestinum rectum: quae res clysmate, ex una olei gutta parato, quod sub emulsionis forma, prasentibus iisdem atque antea conditionibus, applicatum a me est, satis demonstratur: nam effectus plane abfuit. Contra ea oleum in intestino tenui vim satis magnam exhibet. Hinc sequitur, in intestino tenui certas quasdam accedere conditiones, quibus oleum adeo mutetur, ut substantia acri efficiatur. Quas conditiones ut cognoscerem, auspice Buchheim aliquot institui experimenta, quae tamen vix ullos eventus praebebant. Oleum Crotonis enim in intestinis aut bilis aut succi pancreatici ope immutari potest, quapropter mihi propositum erat, ut easdem mutationes reperirem.

Provocatis ejusmodi conditionibus, quae aliquatenus iis respondent, quas oleum in intestino tenui attingit, i. e.

sub colore 30°, quinque partes olei Crotonis mitis, varis adjectis substantiis, in aquae balneo digestae sunt. Portio prima, cui adhibitum erat Kali lixivium, interjectis septem horis, saporis jam evaserat acris, nec minus altera, adjecto Natro carbonico. Portiones tertia et quarta, quarum altera ex quatuor guttis olei Crotonis atque solutione gr. xv saponis, altera ex eadem olei copia atque solutione gr. xv bilis compositae erant, interjectis quindecim horis nihil etiam mutati saporis praebuerunt. Portio quinta, adjecto oleo Natro phosphorico, ipsa quoque eventu caruit. Bilis igitur vim in oleo Crotonis nullam exhibuerat. Suspicio, qua quis ideo bilem in intestino tenui vim olei nihil adjuvare statuerit, hoc, quod sequitur, experimento comprobata est. Clysma, ex duabus olei guttis atque gr. v bilis siccae paratum, egomet ipse mihi applicavi, nec tamen ullum ex eo eventum nactus sum. Quo experimento magis etiam opinio supra proposita comprobatur, vim et efficacitatem oleo Crotonis insitam pari ratione cum sapore acri confluere. -- Reliquum igitur hoc etiam fuit, ut vis, quam succens pancreaticus ad oleum haberet, a nobis observaretur. Periculum vero applicandae fistulae pancreaticae parum prosspere cessit, cuius alterius quominus eventum exspectarem, temporis, quo opus erat, angustiis impedebar.

Ex disquisitionibus supra propositis haec concludi possunt:

1) Jalappa vim alvi evacuandae non exhibet, nisi ope bilis, ac quidem Natri cholici.

2) Resina Gummi Gutti vim purgaticem non habet, nisi adjuvantibus bile et substantiis adiposis, ac praesertim Natro taurocholico.

3) Materia purgans atque cutem irritans, qualis in oleo Crotonis invenitur, una eademque est.

4) Vis et efficacitas olei Crotonis ex materia quadam pendet adhuc non satis cognita, Crotonolo, quod idem oleo saporem acrem tribuit.

T H E S S.

- 1) Limites pneumoniae statui non possunt.
 - 2) Collapsus cerebri in cerebri commotione fieri non potest.
 - 3) Trepanatio rarissime tantum adhibenda est.
 - 4) Dilatatio oris uteri incruenta omnibus in casibus reji-cienda est.
 - 5) Icterus partibus bilis ex sanguine sponte formatis effici non potest.
 - 6) Bilis motum peristalticum intestini adjuvat.
-